

Kunnafonisèben bɔta kalo o kalo - BP : 24 - Téléfoni : 20.21.21.04 Kibaru bugufiyé Bosola Bamako

Bamakɔ nagamina fo k'a damatɛmɛ jumadon, zuluyekalo tile 10, san 2020

Fanga sinamatɔnw, jerejekuluw ani Alimami Mahamudu Diko n'a nofajama, olu ye wele bila fasodenw ma, ka jamanadenw ka muruti boloda. Jamaba de y'u ka wele jaabi yeremahoronya keneba kan Bamakɔ yan.


Jama ye nɔngɔn sɔro yeremahoronya keneba kan juma jiginnen kɔ. Kuma o kuma fɔra lajeba in nɛmɔgɔw fe, olu te kuma kuraw ye, kuma kɔrɔw don. U y'a jira ko jamana te bolo juman kan. Mara te jamana kɔnɔ. Kɔngɔ ni minnɔgɔ be jamanadenw na. Yuruguyurugu kera fanga taabolo ye. Tɔjɔni kera a taabolo ye. Faantanya kera damatɛmɛ ye, lakana baliya warala fo k'a damatɛmɛ. Sariya te ka boli a ne ma. Jamana sɔro nɔngirila. Nin bee b'a jira ko fanga desera a ka baara la. Jamanadenw y'u sigi fanga la ka baara min kalifa u la, u desera o la. An ka sariyasunba dun y'a jira kc ni fanga ye jamanadenw janfa, k'u tɔjɔ, jamanadenw yamaruyalen don ka muruti, ka fanga mine faamaw la, k'a lasegin a tigw mā, n'o ye fasodenw ye.

Lajeba in kumaw labanna ni min ye, o kera ninnu ye : u benna a kan ka jamandenw ka muruti boloda. O hukumu kɔnɔ, u y'a jini jama fe u ka taa jamana arajosoba n'a jabaraninsoba ni minisirin nɔgɔ ka baarakeyɔrɔ ni depitebulon mine nka u kana tijeni ke. U ka sirabaw tige, bolifen kana don Bamakɔ, bolifen kana bɔ. Jamanadenw ka muruti kun tun ye k'a jira fanga la ko fanga ye jama de ta ye, fanga te peresidan n'a ka du n'a masurunnam nɔgɔw dɔrɔn ta ye.

Baaraw bolodara cogo min, u kera o cogo la, nka jama na, bee n'i kɔnɔko don, bee n'i lapini don, bee n'i njania don. Mɔgɔ caman dusu y'u kejɛ, ka forobafenw ni mogow ka nafolomafenw tijɛ, k'u kari, k'u jeni, walima k'u ta ka taa n'u ye.

Lakana tigilamogow nanen u ka baara la, o kera sababu ye ka dɔ fara geleyaw kan.

Jumadon, kalo tile 10, mɔgɔ kelen ni tora a la, ka mɔgɔ caman jogin. O dugusaje, lajeba in



nɔgɔ caman minena, kɔfɛ olu bilala. Badalabugu, Mahamudu Diko ka kin, jamaba taara koori misiri ni a ka du la, ka lakana sabati. Bolo ma se ka da alimami kan. Nka kelebolo min labenna kojugubakelaw fagali kama, n'a be wele fɔrisati, o y'a sendon baaraw la. O la, su kera 5 ye. Mɔgɔ joginnen dɔw fana fatura, ka sabagato hake ke 11 ye. An be don min na i ko bi, dusukasi ni jigitige kelen be damatɛmɛ ye Bamakɔ.

Diinemogow, kerecen ni silame, Bamakɔ dugutigiw n'a dugulenw ani jamakalaw, olu be wulikajow la, ka hadamadenw dusu saalo, ka faamaw son hakili la, ka jamanadenw son sabali la, walasa jama-

na kana ci.

An ka dusu nk'an kana funun. Hadamaden b'a sago sɔro kasorɔ a ma sariya soso. Bagabaga kan'an bɔ an ninifew kan, o kera Alimami Mahamudu Diko ka kuma ye. Nin balawuba in kɔfɛ, jamanakuntigi ye kuma ta arajo ni jabaranin na siŋe fila ka nesin malidenw ma. A ka kuma fanba kera ben ni sigikafɔ jinini ye ani feerew tigeli ka jamana basigi. A ye gɔferenaman kura sigili boloda, jamanaden bee b'a yere sɔro min kɔnɔ. Nk'a y'a pereperlatige ko yɔrɔkarilaw ni yɔrɔjeninaw sen te ye o gɔferenaman kura in na. Jamana sariyasunba lafasalibulon, sariya min y'o sigi, a y'o wulu. O kɔrɔ ye ko mɔgɔ kuraw

bena jini k'olu bila Manasa n'a jɛnɔgɔn wɔ na. Fen min ye depitebulon ye, a y'a jira ko yelemaw be se ka don o fana na.

Dijɛ kunkankofɔjekuluw y'u ka jɔrɔ n'u ka siran jira Mali bilama cogoya la. Erɔpu kelenyatɔnba, jamana yeremahoronyalenw ka tɔnba, Afiriki kelenyatɔnba, Sedeyawojamanaw, Faransi, Lamerikenjamana an'an igijɔngɔnjamana, olu bee be wulikajow la walasa fɔkaben ka sɔro malidenw yere dama ni nɔgɔn ce., bawo Hamadi jo te kele dɔ la, o te were cikun bɔ.

Mahamadu Kɔnta

Kojugubakelaw ye Bajangara ni Bankasi ce pɔn kari

G itɔrɔn kelen min be Bajangara ni Bankasi ce, n'a be wele ko "Jege sira", kojugubakelaw y'a kari zuluyekalo tile 7 su k'a dugu je a tile 8 na san 2020. A kera su dugutila ni sɔgɔmanege kanje 5 waati ce. Nin pɔn in tijeni ye Koro ni Bankasi lasɔrɔl geleya sira in taamabaaw bolo. Kojugubakelaw ka baara kelen be pereñbaraninw donni ye siraw

kan, ani ka pɔnw kari. Nin bee kun ye ka Mali sɔrɔdasiw bali ka temen ka taa u nɔfɛ. Hakililajigin na, zuluyekalo tile 11o san 2020, kojugubakela dɔw ye ta kari Lelehɔyi batige bagi moteri fila bee la, k'u tijen pewu. Ajirala k'o ye kojugubakejekulu "GAT" kewale ye. Ale de ni Sahara kojugubakejekulu "EIGS" ye baarakejɔgɔn ye. Tuma min na u ye baki in tijen, u taato y'a geleya

dugumogow ma, ko n'u y'a men k'u ye baki in dilan, u be segin ka na. a k'u te dan baki jeninni ma bilen dɛ; k'u be ta don dugu yere la. Lelehɔyi be Bura komini na, Ansɔngɔ sereklili kɔnɔ. Mali sɔrɔdasi minnu dagalen be Tesiti, olu de tun be tige baki in fe, ka taa u ka mununmununsaalow ke lakanan siratige la.

Umaru Gindo
Dokala Yusufu Jara

Nuwakisoti jamanakuntigilajeba bənkanw



Nuwakisoti, Moritani faaba kono, jamanakuntigilajeba kera yen san 2020 zuwenkalo tile 30. Lajebe in jatigi tun ye Moritani peresidan ye, Mohamedi Seki Eli GANZUWANI. Ale de fana ye Saheli jamanaduuruton nemogoba ye bi-bi in na. O jamana duuru ye Mali, Moritani, Nizeri, Burkina, ani Cadi. Nin jamana duuru nemogow tun be kene kan, ka fara Faransi peresidan Emaniyeli Makoron kan, ani Esipapi giferenaman peresidan Pedoro SANSESI. Dipe mogoba caman were tun b'a kene kan, i n'a fo Antoniyo GETERESI, jamana yemahoronyalen ka tonda (ONI/ONU) sekereteri zenerali, Afiriki kelenyatona.

ka baarakejekulu peresidan Musa Faki Mahamati, faransikanfajamanaw ka tonba sekereteri zenerali madamu Luwisi MUSIKIWABO, ka fara maaba werew kan dipe fan tan ni naani kono. Nin jamanakuntigilajeba in sigira senkan waati gelen kono dipe kono : kojugubakelaw (terorisw) ka nangata barika bonyara dipe kono. Libi kele be ka juyuya ka taa a fe, o koloow be se ka yelen Afiriki ani dipe jamana caman kan. An b'o la, KOWIDI 19 bana juguba nana na ke a to la. O be ka mogow bao u dabollo kan, ka soroj pogon.

Jamanakuntigilajeba in sigikun ye ka PO sigikafu jaabiwi kiime k'a don o benkanw sera ka wa-

leya ka se hake min ma. O tun ye feere caman boloda lakana sabatiliko kan sahelijamana duuru ninnu kono.

Jamanakuntigiw benna a kan :

- ka kojugubakelaw kele fo ka se a dan na. O be sabati ni saheli jamanaduuruton sera ka caman fara u ka kelebolow hake, u ka sew hake, an'u keleminew hake n'u jumanya kan. O be sabati n'u y'u bolodi pogon ma, ka feerew tige pogon fe, k'u waleya pogon fe. O be sabati n'u ni Faransi BARIKANI jera ka baara ke pogon fe su ani tile ani dipe tonbaw ni dipe jamana werew minnu nakun ye kojugubakelaw keleli ye.

U benna a kan :

- ka foli lase Cadi jamana ma, a ye feere minnu tige ka dan-

kari BOKO HARAMU keleli la « Boma dusuboba » senfe.

- Ka foli lase SEDEYAWO ma a ka wulikajow la a ka feere bolodalenw na minnu bera sababu ye ka lakana sabati, ka yiriwali sigi lakanabaliya no na, san 2020-2024 kono, sedeyawojamanaw kono.

U benna a kan :

- ka dijemogoo ladonniya ko kojugubakelaw be ka u ka fanga digi Cadi dalaba dala, Nizeri ni Nizeriya dugukolo kan, wa n'u makunben a waati la, o koloontan te.

- ka dijemogoo ladonniya ko kojugubakela ninnu be ka jigin konowariyanfan fe bawo u binna Konowari sorodasiw dagayoro do kan Kafolo.

U benna a kan

- jamana yoro minnu tun minena banbaganci ni jahadikelaw fe, olu ka lasegin faso ma, baarakelaw ka segin u no na, ka yiriwalibaraw sigi senkan dugudenw ye ;

- ka foli lase Erropu kelenyatona ni lamerikenjamana ma u ka wulikajow jamanaduuruton demeni na ;

U benna a kan

- ka foli lase Moritani jamanakuntigii ni Moritani jamanaduruton ma u ka jatigiyu juman na ;


- ko jamanaduuruton ka laje nata be ke san 2021, sahalijamana do la.

Mahamadu Konta

Kalali kalansoba do kurunbonkarila Sikaso

Sikaso mara konseyejekulu nemogo Yaya Banba ye kalali ni bogolanw dilanni kalansoba do kurunbonkarili jumadon zuluyekalo tile 3 san 2020. Madamu Balo Fatumata Jara togojlayoro don. Ale de ye nin baara in damine kabini san 2013 kono na.

Kalanso saba, mangasa damado ani nemogoyaso kelen, olu be yoro in na. A joli musaka mume surunyana sefawari miliyon 28 na; a dira Sikaso mara konseyejekulu fe. Yaya Banba ye foli ni tanuni lase Madamu Balo Fatumata Jara ma a ka hakilijumanya la. ; sabula konseyejekulu haminkonoba do ye Sikaso musow ka jetaa sabatili ye. Nin waleya in y'o demenni sira do ye. Kenyereye cakeda 13 be Sikaso mara kono, minnu nesinnen be musow ka jetaa sabatili ma. O bee joli musaka bora konseyejekulu kun. O cakeda ninnu be sungurunninta, k'u dege kalali, bogolanw dilanni, senefenw bayelemani, sisemara ani jegemara la. Yaya Banba y'a jira k'u ham-



nankoba ye musow sendonni ye soro ni hadamadenya yiriwaliibaaraw la Sikaso mara kono ka taa a fe. Kalali ni bogolanw dilanni kalanyoro min kurunbonkarilen file, muso tan ni ko be baara ke yen; kalanden 60 b'u bolo. A kera sababu ye ka mogow caman bolo don baara la, ka do bo baarantan hake la Sikaso mara

kono. O de la kabini san 2017, Sikaso mara konseyejekulu be wulikajow la, ka hakilimayabaa raw senkoromadon.

Madamu Balo Fatumata Jara ka fo la, ale ye kalandenku naani de kalan kalali ani bogolanw dilanni na a ka mogokalan damine ni bi ce. O bee be baara ke a yere ye an be don min na; wa a bee

ye musow ye. A do w yere y'u damana kalanyoro dayele; u fana be ka mogow werew kalan. Madamu Balo Fatumata Jara labanna ka foli ni tanuni lase Sikaso mara konseyejekulu ma a demenni na nin baara in na.

Fuseyini Jabate

Dokala Yusufu Jara

Mana tolibiliw kələba bə sigida n'a lamani kan

I n'a fo dijne jamana tɔw, sigida n'a lamini tɔgəladon kerenkerennen min ye zuluyekatlo tile 3 ye, Mali y'o lajenamaya. A tun jesinnen be mana tolibiliw kəleli ma.

Mana kolon tɔni 3.390 be fili Bamako kono don o don. O 5% ye mana tolibiliw ye; n'o ye tɔni 169,5 ye. Cakeda min jesinnen be lasaniyali ani yorow posoninko cogoya kələsili ma, nin y'o ka san 2016 jatew ye. A jemogoba ye Usumani Sidibe ye. Ji ni kungo lakananni jalatigiba don; Zenerali Usumani Sidibe. A ko mana hake be son ka caya n'o ye an be don min na.

Zenerali Usumani Sidibe ka fo la, n'i taara manadilanyoro la, u be se ka mana kelen dilan segondi kelen kono; nka mana kelen fililen be se ka san 400 ke k'a soro a ma toli ka ban. Kerenkerennenya la, mana minnu dan ye makopeko kelen ye, mogo te temen sanga 20 kan olu dilanni na; nka u be san 100 walima 400 ke sanni u ka toli. Mananin jec i kelen, o kelen be Malidenw taalan yere ye; i b'a fo k'u te se ka ne a ko. I b'u fililen ye sununkunw, bolonw, badaw ani kungo yere kono fan bee fe. U kələba juguba be sigida n'a lamini kan. Sabula u be sumanw ni binw bali ka falen, u be jikənfenw ni gerckanbagaw faga, n'u y'u dun ka dama temen u ka dumuniw fe. A be waati jan bo sa, dijne ma be miiri la mananinko kan. Jamanin jemogdow ye sariya ta, ka mananin donni kono u ka jamanaw kan. O siratige la, kabini san 2014, Mali fana ye sariya ta, min nimoroye 2014-024 ye. A tara san 2014 zuluyekalo tile 3, ka mananin jec i kelen tolibili dilanni, a labaarali an'a donni jamanin kono k'a feereli, k'o kono. Kerenkerennenya la, mana tolibili ye mana ye, min fililen te toli kalo 18 kuntaala kono. Bi ma sariya in ta jamanin fe; nka a te ka labato.

Duw kono, duguw kono, ani suguw kono, mananinw fililen be ye fan bee fe; wa mogow suguya bee b'a san ka baara ke n'a ye. Hali furascereyoro la, u be fura ke mananinw kono ka don sannikelaw bolo. Dumunifecrelaw ta ka jugu n'a bee ye. Dumuni geleman ni jima, u b'a bee ke mana kono. Dugubaw kono ai wulaw kono, mananin be feere u be labaara. Min mana tila a tala, o b'o fili yoroye min ka di a ye; filiyoro kelen te u la.

Tarata zuwenkalo tile 30 san 2020, nege kanje 19 temennen si sanga 30 ye, an donna Sidi Mohamed Hayidara ka bitiki kono Yirimajo-Zerenin na Bamako. A tun falen be sannikelaw la. Dow nakun tun ye buuruko, tuluko, safuneko, senjenamasagalanko ani nonomuguko ye. Nka sanga 15 kuntaala kono, o mogow bee wasalen bora. Mariyamu Ongoyiba tun y'o sannikela do ye. Ale ye lakolikaramogo ye, a furulen fana don. A si hake be san 30 ni ko jogonna na. A jininkal, munna a be son a ka fen ka ke mananin kono? A y'a jira k'ale y'a men ko

mananin ma ji mogo ka kenya ma, k'a kələba ka jugu sigida n'a lamini fana kan; nka a ko a kono te ban a ka fen ka ke mananin kono sannikeyoro la; Sabula ko bee ta be ke a kono.

Tuma min na an y'a jininkal, ko n'a tilala a ka manaw na, k'a b'u ke cogo di? A ko ale b'a ka mana koro fili jamanbənninen kono, i n'a fo mogo tɔw b'a ke cogo min na. Sidi Mohamed Hayidara min ye bitikitigi in ye, ale ko a san 20 ye nin ye, ale be bitikifeere la. A ko a y'a damine Abijan Konowari jamanin san 1999. Ko jamanakuntigisigi kalata kofe, kele min kera yen san 2011, ale ye yen bila ka yelema Bamako Mali kono. N'o te a k'ale ye Moritani jamanaden ye. A jininkal en n'a b'a dən ko mananin be se ka mogo bana? Munna a be mogow ka fenw ke mananinw kono? A y'a jira k'ale kono y'a men ko mana kələba be sigida n'a lamini kan; nka k'a ma sannikela si ye folo, min ma son a ka fenw ka ke mananin kono.

Sidi Mohamed Hayidara k'ale t'a kalama ko mananin konnen




don Mali kono; nka a ko a kono konnen don Moritani jamanin kan. Ko nka hali o la, mogow b'u dogo k'a feere, ani k'a labaara. Dijne tɔnba Oni y'a jira, ko san o san mana miliyari 5.000 be labaara mogow fe dijne kono. O be ben mananin miliyari 10 labaarali ma sanga kelen o kelen. N'i y'o manaw kala jogon a k'u ke birifiniba kelen ye k'i b'o fensen, a be dugukolo datugu sijne wolonwulan leres kelen o kelen.

Dijne tɔnba ka jate la halibi, a ko segondi kelen o kelen, mogow be mana koro tɔni miliyari 10

fili dijne kono. Ko siman ni nege asiye kofe, fen suguya min be dilan dijne ma fe kosebe, o ye mananinw ye. Kabani san 1950 waati y'a soro mananin tɔni miliyari 6,3 fililen don dijne kono. O b'a jira ko mananinko ma damine bi. O de la san o san, mananinko keleli don kerenkeennen mana se, wulikajow be ke ni masalakunw ye, minnu be mogow kunnafoni ani k'u lafaamuya mananinw kələba jugu la sigida n'a lamini kan.

**Abukakari Tarawele
Dokala Yusufu Jara**

Kati ni Jijenin ce siraba dilanni baaraw be sira juman kan



Sirabakow ni baarakeminenko minisiri Madamu Tarawele Zeyi-nabu Jopu taara a ne da Kati ni Jijenin ce siraba dilanni baaraw kan ntendend awirilikalo tile 6 san 2020. Kun filia tun be taama in na; k'a dən baara w be hake min na, ani k'a dən ni koronawisi kumbenni walcyaw be ka labato baarakelaw fe sira in kan. Taama kono na, minisiri n'a jemogow jora Kati, k'u tege ko ji ni safune na folo, ka soro ka sira dilanni cakeda SOZEYA SATOMU (Sogea Satom) jemogow kumajogonya. A y'a jini u fe, u k'u jilaja ka bana jugu in kumbenni walcyaw matarafa. U soro ka kunda Sozeya Satomu dagayoro kan Yelckebugu kofe. Baaraw be sen na sira min kan, o dan ye Kati ni Jijenin ce siraye; n'o te u jora fan caman fe bana in koson. Minisiri y'a jira, ko jamanakuntigi ni jamanin lakanabaaw

jemogow ka laje kofe, a wajibiyara na ka ke ne da baaraw ani baarakelaw kan joona, k'a dən kenya kələsili walcyaw minnu kofora, n'u be ka labato. A y'a kələsi ko cakeda in mogow b'a la ka laadilikanw bo u sira fe. A wasara k'u ka baara kecogo fana ye. Don o don baarakela bee bena lajelikeyoro la cakeda dagayoro la folo, k'u farikolo funteni jate laje, k'u tegew ko ji ni safune na, u ni masiri minnu ka kan walasa k'u fari tanga bana in ma, u b'olu don, sanni u ka taa u ka ketawa. O ye walcyaw ye, min be se ka mogow tanga bana in masiba ma. U ka cakeda be to ka widow ci u ma koronawisi kunnafoniw kan. O koson hali n'u be u ka baaraw la, u te son ka tuntun jogon kan. U be furancew don u ni jogon ce. Kati ni Jijenin ce siraba kuntaala ye km150 ye. Tije don a baaraw damine geleyara; sabula kərəlen, ni sira be dilan, a be ta

dakun ni dakun. U mana furance do dilan, u be yelema dōwēre kan, fo ka baara ban. Nka sen in na, minisiri jemogow ka faamuya kono, yelema donna baara kecogo la. U folola ka sira bee siyen k'a dalakeye, ka boge k'a kan k'a geren ka bo Kati fo Jijenin. O de koson dingi t'o furance in si kan tuguni, wa mogow be ka boli u fere ma basigi kono, sanni gitɔron dali ka damine. Sisan baaraw bema ke ka ke ne n'u kecogo koro ye; n'o ye ka furancew dilanni bo jogon koro. O de koson baara to be se ka sennasumaya.

Madamu Tarawele Zeyibu Jopu y'a geleya sira in dilanbaaw ma, u k'u timinandiya koronawisi kumbenni walcyaw matarafa la; n'o te ni bana in kələsira hali mogo kelen na u cela, o be son ka ke baaraw jokun ye folo. An be don min na, Kati ni Jijenin ce siraba joda ka bon kosebe jamanin ka yiriwali siratige la. Minisiri labanna k'a jini mogow fe, minnu sigiyoro bennen be sirada in ma, u ka mujun ka sabali; sabula baara in be se ka degun lase u ma waati jan kono; nka a mana ban tuma o tuma, bee bena lafiya soro. A y'a fo a ka nsana na, ko «mogo te se ka sefan jirannen soro n'i ma sesan ci». Baara to kuntaala be se san filia jogonna ma; nka o man jan sima bolo.

**Lasana Nasogo
Dokala Yusufu Jara**

Koronawirisi bε ninin ka ke Mali politikimögow ka warjinininsira ye

An ka nsana də b'a fə, ko ba siri bin na o, bin siri ba la o, a bee ye ba ma here ye. A bone ye batigi de ta ye. Nka a kunkolo don daga la, o te « kan » ba yere la. Koronawirisi be ninin ka ke Mali politikimögow ka warjinininsira ye. Ni koronawirisi tun ye banaye wari te soro min kunkoro, fanganinintən si tun tena son ka a kun don a keleli koro nin cogo la. Nka kabini miliyariw kofora k'o bəna don koronawirisi keleli an'a kubenni dafə, politikimögə ani mögə suguya caman werew y'a jira ko bana in b'olu la. N'o y'i bə a la, anw m'a men ko bana in be an dənbaga si la, kuma te k'a ye o do faga. Ne kelen hakili la, mögə o mögə be k'a fə ko koro-

nawirisi b'ale la, o te k'a fə fosi were kama wariko ko. A jigi bε bana in keleli wari də de kan. An kana mögən musalaka, faama si ja te geleya k'a fə ko koronawirisi b'ale la ni fen te soro a la. Ni bana suguya were don, a bəna wari min bə a yere kun k'a furake, a te son ka nkalon tige o la.

An bε yoro min na, mögə caman be ninin ka siga don Mali koronawirisiko la. Sabula bana in te ka mögə si mine ni politikimögow ni mögə jalaglenw te ; Olu b'a dən ko wariba de b'a kunkoro. Faantanw jorelen don a ko la, hali ni an m'a men folo k'a y'olu də mine. A be ka fə ko fura te koronawirisi la.

Ola n'a yera faantan min na, o ye




mangoya selen ye o n'a somogə bee ma. Hali n'o kenyara sa, mögə si te farinya ka geres o la tuguni.

A be ka fə ko furu te koronawirisi la. O tumana a be ka fə fana ko mögə minnu kenyara, mun de sera k'olu furake ? Alabatoyorəw be ka datugu bana min je, o be ka ke warjinininsira ye Mali fanganininnaw bolo ; o bε mögə dabali ban. Ni nin kera an taabolo ye, ne ma da a la ko mögə be se ka tanga nin bana in ma. Wari be soro ko o ko la, Maliden b'o la ; hali n'o ye banaye.

**Yaya Mariko ka bə
Senu-Bamako,
Medini Weréda la**

Kibaruseben ka kan ka ke kalanden jolenw bolomadayoroba ye



Ne ka foli be Kibaru kannaaw ye Beledugu. Ne ka kələsili la, Kibaru kalanbaa ka ca Beledugu kono ka temen jamaa fan caman kan, ce kunda ani muso kunda. Ne b'a ninin Malidenf fe, an bee k'an jilaja ka Beledugu mögɔnna bə Kibaruko la. O b'a to kalan ka se ka yiriwa jamana kono kosebe.

**Faraban Balo ka bə
Fuladugu-Kotuba,
Kita mara la**

Mögəw ka soro kecogow te kelen ye; n'o te nafaba be Kibaru kunnafoni na an ka baaraw sabatili siratige la. Kalan nafa bee te wariko ye. Nin kuma in be faamuya hakilima bee fe. N'i ye ne nininka, ne b'a fə ko duguw be Mali kono halibi, minnu te Kibaruseben soro k'a kalan. O siratige la, ne b'a ninin Kibaru nemögəba fe, nin ko in ni sigi te ben bilen. Komini hake min be Mali kono, ni bamanankan, marakakan walima fulakan be fə yen, o ka ca. Kibaruseben be bə nin kan saba bee la. Kibaru nemögəba ka ci lase o meri bee ma, u k'u fanga fara mögən kan Kibaruseben jensencogo la u ka kominiw kono.

Tile 45 kalan dabilali bε ka balikukalanko nagasi

Mali nemögəw cesirilen tun don balikukalanko la waati min na, feere caman tun tigelen don, min b'a to a kalanw ka taa ne, faamuyaba ka se ka soro u la. O feere də tun ye tile 45 kalanw ye. Semudete tun ye kalikukan kəkərədonbaa ye anw fe. A tun b'a wasa don a baarakəjəgən duguw ka kalanko la kosebe.

Nka an be don min na, balikukan dabilala dugu caman na; kuma te tile 45 kalanw ma. A dabilali kera sababu ye kalanden jolen hake sebekərə dəgoya duguw kono, fo ka fijne bila duguyiriwatōnwa ka bāaraw la. Duguyiriwatōnwa ka baara fanba be ke fasokanw na. K'a ta seneketōnwa na, ka se baganmaratōnwa ni sisemaratōnwa ma, balikukan den jolen de y'u baara fanba kebaaw ye. O la ni balikukan nagasira Mali kono,

Nka waati də sera, anw minnu be dugubaw kono, walima wula kono, n'an ma lakoli ke, an kana an sigi ten ka balikukan nagasits laje. An ka wuli k'an jo, ka feere tige balikukan lajenamayali la. A be fə nsana na, ko « den min bolo kərətalen don, o ta ka di ». Ala k'an deme.

**Daramani Sise
ka bə Nəgəlaso,
Sanzana komini na
Kipan Sikaso**

Jamana sinsinbere ye kunnafoni ye


An be don min na, kunnafoni dicongo kuraw nanen be kunnafoni sebenw fanga dəgoya. Kasəro kunnafonisəben nafa ka bon; a b'i n'a fə dunkare. Tuma ni tuma, i b'a ta k'a laje. N'i ma i yere ye a kono, i be i mögɔnna də y'a kono. Kunnafonisəben be se ka san caman ke mara la i bolo.

An be waati min na, enterineti ni telefoni be jini ka dankari kunnafonisəben na. O de be k'u sanbaa hake dəgoya sisan. Ka da a kan mögə hake min mako be kunnafoni teliman na sisan ; hali n'o ma dafa, o ka ca. Dije kelen be kərətə jamana ye ; nejini te masōrə ko caman na tuguni.

Kunnafonisəben nafa ka bon kosebe jamana ka jetaa la. Kun-

« fezibuku » ni « wasapu » to yen. Kunnafoñi dicogo kura ye nkalotige ani kebalike caya mögəw ni mögən ce, ani enterineti kan. Kunnafonisəben ye jamana sinsinbere ye. Wasapu ni fezibuku kunnafoni mana məen, u be tunun i la telefoni kono.

**Isa Jalo ka bə Kədugu,
Dugabugu komini na Kati**



Soro yiriwabaliya kelen be ka kəngə don jamana kono

Basigibaliya be yoro o yoro la, lakana te se ka sabati yen. U tun ko an ka to sow kono ni su kora, sabula ko bana jugu be jamana kono. O la an be waati min na, mögə juguw be k'an ninin, bana jugu fana be k'an ninin. O ye ko jugu dan bee ye. An ma se k'an yere lakanan ka bo o kojugubakelaw ma, an ma se ka

bana jugu in bali ka don an ka jamana kono ; wa an te se fana k'an ka baaraw kecogo juman masōrə. Ne bolo, nin bee ye fanga ntarakili kələsili jugu də ye. Jama jera ka mögə min sigi fanga la, mögə kelen te se k'o wuli. Mögə juguw donna an kan, wa bana jugu fana donnen file an kan k'a sababu ke lakananbaliya ye. Anw ta kera geleya ke geleya kan.

Nka Ala ni mögə jumanw koson, nin geleya ninnu bəna ban ka lafiya don jamana kono nin bee kəfe.

O temennen kəfe, ne be Elihaji Kalifa Jara fo Jelibugu-Bamako. Ka Elihaji Npiye Jara fo Falaje-Bamako. Ka Umu Berete ni Umaru Jara fo Arajomali la.

**Alu Jenfa Jara animatori
don Soninkepi, Kati mara la**

Maakɔrɔbaro : Hakilitigiya ni bɛn

Latige y'a diya hadamaden na k'a ke danfénw na fisamannci ye, ka d'a ka hakilitigiya kan. Nka hadamadenw yere ni njogon ce, bée ka fisamannci ye min mana kunnandiya soro ka teme tōw kan. Kunnandiya ye dakan ye. O sababu la, Bamananw ko dakan te karaba...; ko kun be di, kuntere te di. A be fo kumadonsow fe fana ko, ce, wuli ka bo i sigiyoro

mannci ye. Nafa te kele banbali la. Hakilitigiya.

Cikanw :

1. Masalabolou in kɔnɔko nɛfɔ kumasen saba kɔnɔ.
2. Danew kɔrɔ fo: danfén, fisamannci, nakan.
3. Dajé fila jini masalabolou kɔnɔ nunnadafa be minnu kɔnɔ.
4. Diyagoyalikumasen kelen jini masalabolou kɔnɔ.
5. Nin kumasen siya fo: "kuntere te di."



Tariki : Tubabuw ye "Kantonw" sigi an ka jamana kɔnɔ, k'u ka mara sinsin

Tubabuw y'an ka jamana mine ni marifa daburu ye kasorɔ ka "kantonw" sigi senkan k'u ka mara sinsin. U ye Sabusire mine san 1878, Kita minena san 1881, ka Bamako mine san 1883, ka Segu mine 1890, ka Noro mine san 1891, ka Tumutu mine san 1894, ka Sikasso mine san 1898, ka Gawo mine san 1899, adw, Bɔbokel ni Beledugu muruti fɔra nin kele ninnu bée tko temenen kɔ.

San 1894, tubabuw ye minisiriso do sigi senkan walasa k'u ka jamana minenenw mara u sago la. U dagayɔrɔ benna Senegali ma. Dakaro tun y'u ka faaba ye. U y'u to Dakaro ka Afiriki tilebinyanfanjamana caman mara.

Jamana maralen kelen-kelen bée tun tilalen don nin cogo in na : serekili, marabolofara, kantonw ani dugu misenninw.

Tubabutile la, serekili tun tilalen don k'a ke kantonw ye. Serekili dɔw kanton tun ka ca, i n'a fo Sikaso, Kayi, Bamako, Segu, Mɔti dɔw ta tun ye kelen dɔron ye, i n'a fo Ansongo. Kanton bonya tun sirilen be ko caman na : tariki cogoya, dugukolo cogoya, siyaw ka siginɔnya, yɔrɔ minnu jelen be seko ni dɔnko kelen na, ga fangati-giw ani ga tɔgɔtigiw cogoya.

Kanton tun be serekili komandan ka mara kɔnɔ. A tun kɔlɔsilens don marabolofaraw fe. Kanton dugutigi tun ye jamanatigi ye, o tun be baara ke kanton kolatigejekulu ka yamaruya kɔnɔ. Tijé yere la, kolatigejekulu tun ta ye tɔgɔ gansan ye. Fanga yere yere tun be jamanatigi de bolo. Ale de ni tubabuw tun be sigi ka kuma ; ale de ka kuma tun be mine ; a ka nkalon be se i ka tijé na, n'a ko ku n'i ko bananku, i be taa i ta jimi fan were ; wa nafolo ni nafolomafenw tun b'a sago la a ka kanton kɔnɔ. O hukumu kɔnɔ, a be se ka fo ko jamanatigi ni dalamine, olu de fɔlɔ ye yuruguyurugu kolokolo faraffina, k'u ta jini, k'u soro, kabini tubabutile la. Misali la, alimankèle waatiw la, ni tubabuw tun ko dugumogow ka saga kelen bo ka keledenw deme, dalaminew ni jamanatigi tun be se k'a fo saga duuru, k'a tɔ tila u ni njogon ce.

Tubabu ka fanga bolili jamadenw kan, dugumogow, sigidaw kɔnɔ, o baara kɛbaga fɔlɔ tun ye jamanatigi ye. Tubabubaarakelaw, dalaminew ni jamanatigi tun da munen don, k'u kolon i ko sagamɔnew tubabuw ye. Wa, olu

de fɔlɔ denw tara lakoli la, ka kalanbau ke kasorɔ ka na an mara tubabuw tɔgɔ la.

Faransuwa Zukareli ye baara caman ke kantonw kan, ka gafew seben u kan. Ale y'a jira ko kanton ye tubabuw ka ko labennen ye namara la, ka an ka laada mara kecogo korow ladege. A ni kafo te kelen ye. A ni an ka jamana korow te kelen ye, nka a b'i n'a fo u ladegew walasa a ka ke jamanadenw nena ko kɔrɔlen de be senna halibi. Korɔlen, an ka jamana kɔnɔ, dugu tun be yen, o maralen don dugutigi fe a n'a ka korɔsigiw, dugulenw. Dugu mana bo yen, kafo be na, o be masake ka mara kɔnɔ ; kafo fañā be jamanatigi ka mara kɔnɔ. Tubabuw nana an fe yan waati min, o y'a soro mara b'an fe yan nin cogo in na : dugu, kafo, jamana.

Jamanatigi caman diyagoyara mogow kan. Nka tubabuw ka feere kera min ye, u tun be jamanatigi nini dugutigibonda, masakebona, dugulenbona. Komandan tun be mogɔba damado tɔgɔ di olu cela, Faransi tun be jamanatigi kelen sugandi. Fili Dabo Sisoko welela k'a sigi a fa nɔ na jamanatigiya la a ka dugu la Nanbiya san 1933. Fili Dabo Sisoko tun ye mogɔ kallannenba ye. A donna politiki la, ka ke Pariti do nemogɔba ye n'o ye PESIPE/PSP ye. A kera depite ye Faransi, ka ke Faransi minisiri ye, tubabutile la. Ale de tun ye jamanatigi ka mogo ye wote senfe Faransi ye min laben, nka Eriye/RDA de ye fanga soro o wote in senfe.

Jamanatigi denw tun be ta lakoli la u san 13 ka se 17 ma. N'u temena nogondan na min be wele SEPE/CEP, u tun be baaradegekalanw ke, lakɔlikaramɔya, dogotɔroya, sekerteriya, cike lakolideny, adw. U tun be larabukanlan dɔɔnin fana ke. O waatiw la, lakɔliko tun man di an ka jamanaden caman ye. Dugutigi ni jamanatigi dɔw kera yen, olu ma sɔn k'u denw bila ka taa lakoli la fo u bololamogow denw.

Jamanatigi n'a ka ko bée, n'a ni tubabuke tun sigira, a b'a danyɔrɔ dɔn. A ka jamanatigiya ma dabo dugudenw kama. A kera jamanatigi ye walasa ka « Baba kuman-dan » ka ciw lase, k'o ka baaraw ke, Faransi ka nafa kama. A ka dugumogow ka here lakanani tubabuw nekɔrɔ, o t'a ka baara ye. O kɔfɛ, tubabuw ye sariya ta, k'a jira k'u ka fanga tēna yelema don

kantonw ka laadalakow la an'u ka sekow ni dɔnkow ; u t'u sendon a la, kuma te k'a fo k'u b'a yelema. Walasa i ka ke jamana tigi ye, o k'a soro i be tubabukan fo, i b'a seben. O k'a soro i si be san 25 bo ka se san 60 ma. I te se k'i kanbo jamanatigiya nɔfɛ fo i ka gofereneri ka yamaruya soro.

Jamanatigi tun be kalosara ta i n'a farafin minnu tun be baara la tubabuw bolo, n'u be wele tubabubaarakelaw. O sara dikun tun ye k'u fisaya n'u tōw ye, ka Faransi kanu don u la, ka dusudon u kɔnɔ Faransi kumakan labatoli n'a waleyali la.

U'tun be sara soro cogo min, u tun be panson fana soro ten, n'o ye segennabowari ye baara bilalen kɔ. A laban na, u ka sara ni komiwa ka sara hake kera kelen ye. Densara tun b'u ye ani sigiyɔrɔsara. N'u tun ye san 20 ke baara la, u tun be ta segennabowari la, kura be sigi. Sariya dɔ tara san 1922 setanburukalo tile 6 min y'a jira ko ladiyalifen ka di dugutigi ni jamanatigi ma dugu lenpo saralen hake kan. Dugutigi tun be lenpo 2% soro, jamanatigi tun be lenpo 1% soro. O koson, ni duguden min tun ma lenpo sara, i ta fila ni cetige.

Jamanatigi tun be se ka jangi

ni fili yera a ka baaraw la, n'a ye kɔnɔnanjuguya ke, n'a ye filibonyerela ke, n'a ye fanga boli ni manamana ye, adw.

A mana ke cogo o cogo, doni min tun dalen b'u kun, o tun ka girin u ka soro ma. U tun be dugumogow koron, k'u bagabaga, k'u don kaso la, k'u coron f'u kan, n'u tun ma tubabuw ka sariyaw labato an'u yere ka namarakow. Ni faamalamogɔ minnu tun nana u ka kanton kɔnɔ, u tun b'u jo n'o ka ko bée ye hali a ka musoko (walimuw tun be taa si o faamalamogɔ minnu fe). Ni sɔrɔdasiceta tun be ke, olu de tun be cedew tɔgɔ di. Yuruguyurugusira ni binkannisira caman tun dayelēlēn don u ye o baaraw senfe, tubabuw tun b'u netugu minnu kan.

Yereta kelen, an jamana caman ye kantonko dabila. Jamanatigi tun ye geleyabaw lase dugudenw ma. Mali kɔnɔ, jamanatigi tun ye ERIDEYA/RDA kele kosebe, Mamadu KONATE ni Modibo KEYITA ka pariti. ERIDEYA/RDA kelen ka fanga soro, a ye jamanatigiya bin pewu Mali kɔnɔ.

Iburahim Mayiga
Mahamadu Konta

Koronawirisit kɔlɔlɔ yelennen be sene ni baganmara kefenw sɔrɔli la

Mali ye sene jamanaba ye. Jamanakɔnɔsoro (PIB) 40 pour cent be soro dugukolonafabɔbaaraw la. Jamanaden 80 pour cent ye o baaraw kebaaw ye. Mali be joyɔrɔ fɔlɔ la kɔribasoro la Afiriki sahara woroduguyanfan fe ; filanan fana don sumanbasoro la Afiriki tilebinyanfan fe, Nizeriya kɔfɛ. Dugukolo taari miliyon 43,7 de be soro Mali kɔnɔ. Nka hake min be ka sene sisan, o ye taari miliyon 3,2 ye.

Mali b'o joyɔrɔ min na seneko la Afiriki kɔnɔ, walasa k'o makaran, a b'a fe ka suman tōni miliyon 11 soro a ka san 2020 kanpaji na, ka fara kɔori tōni 800.000 sɔrɔli kan. O lapinin in sabatili sirilen be sanjiko cogoya ani angere numan na. Nka, yala hakilisigi be o angereko la wa? Jamana bena se cogo di k'a ka kanpaji waleya a nema, koronawirisiko in waati


kɔnɔ?

Sene nemogɔba Umaru Tanbura ka fo la, geleya fosi te sene ni baganmara kefenko la fɔlɔ kanpaji damine na. Mali kɔorisene yi-riwali cakeda (CMDT) y'a ka senekelaw makonetaw lase u ma kabini setanburukalo la. A ye angere hake min bila u ka bolo kan fɔlɔ, o ye tōni 264.000 ye; kɔrɔ kɔori angeremako mume ye tōni 497.597 ye; sumanw ta ye tōni 300.000 ye.

Mali ka angere hake min balannen don Dakaro ni Abijan kɔgɔjidankaw na, o ye tōni 40.000 ye. Dabaliv be ka tige u lasecogo la jamana kɔnɔ a tuma na. Koronawirisit kɔlɔlɔ yelennen be sene kefenw doncogo la. O de ye kɔori ni somokolo songɔ bin dije suguba la.

O geleyaw de kama, goferenaman y'a naniya ka temen ni demen donni ye sene na jinan tuguni.

Kɔkanmɔgɔw bε nafa min sɔrɔs na, a turubagaw t'o sɔrɔ a la



Somoko tariku be damine Mali kono kabini san 1960 waatiw la. Somoturu kanpajiba kera jamana kono o waati la. Mɔgɔw tun be somo turu a den dunnin n'a feereli kama; nka an be don min na, somo kelen be faantanya kelelan ye. Somoko be dakun jumen na? Somo be joyɔrɔ jumen na san 60 a donnenn kɔjamana kono?

Kunnafoni na, somo buruju bora Ameriki woroduguyanfan fe ka don Afiriki kono. Jiri suguya min don, a be sabati Mali kono kosebe; sabula funteni ni tile ka di a la. O de y'a ke nafolomafen filanan ye Mali woroduguyanfan fe. Somo sɔrɔ jɔlɔkɔ ye denmisenn caman bolo don baara la k'a sababu ke poroze min sigira senkan somoko yiriwali kama. San 2017 kɔnɔna na, somokolo hake min feerela, o songɔ mume sera sefawari miliyari 32 ani miliyon 500 ma. Mun kama jama te girin somo kan?

Nka baara in labencogo juman, o geleya be somoko baarakelaw fana kan; hali n'i y'a sɔrɔ jekuluba sigira senkan somoko donni na ba la san 2016 desanburukalo tile 20, min be wele tubabukan daje surun na Iporofamu (IPRO-FAM).

Iporofamu mɔgɔw ye somoturulaw, somo bayelemabagaw, jagokelaw ani bololabaarakelaw ye Mali kono. Jekulu in nemogɔba ye Dogɔtɔrɔ Ibarahimu Togola ye. Ale ka fɔ la, Mali be somo hake min sɔrɔ Kayi, Kulukɔrɔ, Sikaso ani Segu maraw kono, o be se tɔni 100.000 ma san kono. O sɔrɔba 99% de be labo jamana kɔkan tajininaw fe ani jamana dɔw fe; i n'a fɔ Endujamana, Siniwajamana, Wiyetinamu, adw...

Dogɔtɔrɔ Ibarahimu Togola y'a jira, k'o jamana ninnu be

somokolo kg1 san songɔ min na, ob'a ta sefawari d8 na ka se d18 ma. Dunanw de b'a la ka Mali sɔrɔ diya bɔ kosebe ka teme somoforotigw yere kan. Wariba lasɔrɔ man di Mali jagokelaw fe bankiw la ka somokolo caman san ka bɔka taa a feere jamana kɔkan. Somo hake min be sɔrɔ Mali kono, bayelemanikela te se hali k'a 1% bayelema; kasɔrɔ n'i ye somoko don ba la a nema, mɔgɔ 50.000 be se ka baara sɔrɔ a sababu la. Seba te Mali bayelemanikela caman ye k'a izininbatigw bɔ jamana kɔkan. N'o te somo hake min be sɔrɔ jamana kono, ni Malidenw tun be se k'o don ba la a nema, nafoloko dan don. A be jini goferenaman fe, n'a be se k'a kun don somo bayelemani kɔrɔ, o be wariko nogɔya, ka denmisew ka baa-rako fana nogɔya. O be son k'a to Mali ka se k'a ka somo sɔrɔta 50% bayelema.

Cakeda min nesinnen be senekefenw bayelemani n'u sannifecere ma, n'a be wele « Nyela Nuts », o ye Mali somobayelemajekulu tɔnden dɔye. Ajemogɔba ye Hamare Mayiga ye. Mali somobayelemajekulu be wele tubabukan daje surun na Zetaramu (GTRAM). Hamare Mayiga y'a jira, ko somoden juman sɔrɔli de ye babugubaara ye somoforotigw bolo. Walasa i ka se ka fen bayelemanen juman sɔrɔ, o b'a sɔrɔ fen juman de b'i bolo ka bayelema.

O siratige la Hamare Mayiga b'a jini somoforotigw fe, u kana kɔn somo mak'a kɔgbali kari. U k'a to somo ka se. Somoden bilenman be yen, a nerelama fana be yen. Ni kɔn kera somo mak'a kari k'a sɔrɔ a ma se, a fosi man di. Geleya dowerɛ ye bayelemani mansinw wari cayako jugu ye. O de koson mɔgɔ caman b'a ka somojiw n'a

ka somokisew bɔ u bolo la. N'a bɔra cakeda « Nyela Nuts » ni Kumantula, bayelema izini te somobayelemanikela si bolo Mali kono. Somo be se ka bayelema ka ke fen saba ye : somoji, somodege ani somokise.


Hamare Mayiga ka fɔ la, goferenaman ka kan ka wusuru sarali wajibya dunanw kan, minnu be somo san Mali kono ka

taa n'a ye, k'a bayelema ka ke nafolomafenw ye, ka laban k'u feere wariba la. U be segin ka na o somo bayelemanen dɔw feere Mali kono yan. Wusuru sarali b'a to u kana se k'a san ka taa n'a ye ten fu, k'a sɔrɔ goferenaman ma fen sɔrɔ somo nafa la. O wusuru sarataw be se ka laban ka don somoko dafe jamana kono. N'i ye wusuru sarata hake ke tɔni kelen o kelen sefawari d6.000 ye, tɔni 100.000 wusuru y'o la sefawari miliyari 3 ye.

Adama Jaraye Sikasso somoturulaw ka tɔn kuntigi ye; ale y'a jira ko forotigw degunned don kosebe somo labocogo jugu fe jamana kɔkan. A ko Mali ta ye segen fu ye somoko la; a nafa bɔbaa fɔlo ye nafolatigw ye jamana kɔkan. Fen min ka jugu n'a tɔ ye, Mali ka somobasɔrɔ n'a ta bee, hali a lakodɔnnenn te jamana kɔkan o somoko la. Adama Jara ka fɔ la, somo be bayelema k'a tulu bɔ, k'a ji bɔ, k'a ke safune ye, ani k'a kise bɔ. Nin fen ninnu bee ka di hadamaden farikolo la keneya nasira la. Tulu min be ke pankurunw ferenw na, o be bɔ somo na. Ni Mali faamaw sera k'u nesin somoko donni ma ba la kosebe, a ka ca a la a tena a ka pankurunw ferennatulu san jamana kɔkan tuguni. A na wasa ola, so k'a to feere fan were fe.

Makan Sisoko
Dokala Yusufu Jara

Mɔgɔfaga were kera Fana:



Fana kin min be wele Bajan, taratasu jansalen k'a duguje araba la, mɔgɔw bora Bakari Sangare su kan. Laturudala farasinsurakela tun don. A si hake tun be san bi naani ni kɔ la; a furulen tun don; nka a muso in furu salen don. Den tun t'a bolo. Bakari Sangare kelen tun b'a ka so kono. Dɔtaara a kunkolo tige a ka soda la. Dogɔtɔrɔw y'a jira k'a b'i n'a fɔ a fagabaa in ye bereje damadɔ k'a tɔn na k'a kirin, ka sɔrɔ k'a kunkolo tige ka taa n'o ye.

Tuma min na nin fagali in kunnafoni dara Fana superefse Benena

Munkoro tulo kan, o ye labenw sabati o yɔronin bee la, min b'a to jama kana funjenin, ka kebali were ke ka fara nin kan. Sabula dama min kera ka temen, olu dusukasi ma ban mɔgɔw la fɔlo. Secceryaw y'a jira, ko Bakari Sangare min fagara, a ka dugu ye Bankɔrɔ ye. O ni Fana ce ye km15 ye. U ko sɔrɔdasi kɔrɔ tun don, min n'a hakili tun tɛnɔgon fe o cogo la. A dahirime tun dulonnen b'a ka laturuda ni furakeli la. Segesegeliw be sen na, walasa ka yeelen da nin fagali in kojew kan Fana kono.

Denmisennin filelikecogo ye kolosifén ye



Ni fijé be ne na, o ka telin ka dón a filelikecogo fe. Dögötörö Fatu Sila b'a baa-ra ke pefurakeyörö IYOTA la Bamako. Ale y'a jira mögö caman min be taa u denw ne laje olu fe yen, a fanba ye ne fjetow ye. U hake la 40% fo 45% y'a ye; a b'a soro u si hake te san 12 bo fölo. Fijé minnu ka telin ka ne soro u be se ka tila kulu saba njogonna ye. Fenw lasabaliya yoro jan fe, fenw lasabaliya yoro sun

na, ani fenw cayali ne koro. Hake be ne cogoya la, a te se ka teme min kan. Walasa baliku ne ka se ka yeli ke ka lasa a jema, fo nekilis bonya ka milimetere 24 bo. N'a ka bon n'o ye, o ye nekilis ye; n'a ka dögo n'o ye, o ye ne misennin ye. nekilis ni ne misennin te yeli ke ka lasa ka ne hakelama bo, jemaanin ka kan ka ke fen koorilen ye. N'a koorilen don ka ne, ne be fenw ye ka lasa. Nka n'a koorilen te ka ne, a te fenw ye ka lasa.

Ni nekilis bonya te mm24 bo, a te fenw ye yoro jan fe ka lasa. Fenw ja te koron ka ben a jemaanin ma a k'u lasa, fo i k'u madon a ne na döönin. O be kolosi baliku kunda. Ni nekilis bonya be mm24 ni sance, a te yeli ke ka lasa yoro surun na. O de be kolosi denmisennin kunda ; fo i k'u mabo a ne na döönin. Fenw ja te basigi a jemaanin kan. Ni jemaanin kooricogo man ni, fenw be caya a ne koro. Ka yeli ke yoro jan fe ani ka yeli ke yoro surun na, o fijé fila te mögö kelen soro njogon fe; nka n'a kelen o kelen b'i la, a be se ka ke fenw be caya i ne koro. Nin fijé kelen o kelen mana denmisennin soro, a t'a dón ko jugu don. A b'a jena mögö bee be ten. O de la Dögötörö Fatu Sila b'a jini denmansaw fe, u ka denmisennin filelikecogo jate mine kosebe, walasa k'a dón ni fijé t'a new na. Tuma dów la i be denmisennin bila ka fen dów denjuguyafile. Denjuguyafileli ye ka fen file k'a soro i ma i ne coron a la; walima k'i dogo ka mögö file a kana a dón k'i be k'a laje. Mögö min te se o la, a be se ka ke fijé b'o ne na. Ni denmisennin be kalan na, n'a te ka jaabi jumanw soro, i b'a soro a dów

te yeli ke ka lasa. A juman ye i ka denmisennin new laje dögötöröso la fölo, walasa i ka sigi a kan k'a new ka jin, sanni i ka taa a togo seben kalan na. Lakolikaramögöw fana ka kani k'a wajibiya denmansaw kan u ka denw ne jumanya n'a juguya seereyaseben fara u denw togoseben minenw kan ka di. O bee be togodiya lase karamögöw ma. O la karamögö b'a dón a ka kan ka sigiyörö min kerenkeren o denmasina ye kalanso kono, an'i k'a yere sebennikecogo jate mine.

Walasa ka denmisennin tanga ne fijew ma, i be to k'a new laje dögötöröso la ; nka o lajeli kana damine den bangelen dögökun fölo kono.

O kofé lajeli be ke nin cogo la : Dögökun filanan, kalo filanan, kalo woɔronan, kalo kɔnɔntɔnnan, sankunben, san filanan, ani san duurunan.

An be waati min na, ni fijé be ne na, fura min b'o la o ye penawere donni ye. penawere be se ka seben den kun kabini a kalo 6 kɔnɔna na. penawerew cogoya te kelen ye, u sɔngow te kelen ye.

Fatuma Nafo
Dokala Yusufu Jara

Dugubaw kono, musodenkundi ye pari cedon ye denkuranintigiw fe

An be don min na lagosi min be da musow kan dansagonkokew la u ka denkundikenew kan, dan t'o la. Muso dów be don da jugu bee fe, walasa u na se k'u ka denkundisen soro ka di kene kan. O de kson sisan, jemajo be ka don a cogoya la. Caman b'a la ka b'a a dansagonkoke la. N'o te denkundi donw tun mana se, o tun ye wasobaancyakene sigilen ye muso dów fe. O donw na, u yere ka fen, faantan ni mone. Ni muso min ma se ka denkundisen soro, kene lasoroli tun ye mɔrɔmɔrɔli dan bee y'o bolo. Sisan njogoya be ka don kow kecogo la. Musodenkundi be ka dögoya. A dan ye sogomata dörön ye. Caman be ka wulafeta bo a la. Hali o cedenkundi fana na, kafeba wulili ani ka soba tobi ka sogo walima sisesogo k'a la, o be ka dögoya. Nin taabolo in bennen be ce caman ma bi. Sisan, sa mana b'a ka bere min to i bolo, i b'a bugo n'o ye. Nin kera ce dutigi dö ye, den 4 b'a le bolo. A ko ale den kosa togo welela misiri la fajiriseli jiginnen. Tuma min na ale seginna ka b'a seliyora la, a muso k'a ma ko denkundi banna, ko musodenkundi te yen bilen. Wa ko fo ka min ke sa, denkundi fila tena ke so in kono yan tuguni. A k'o ye diyalí min k'ale ye, o te döönin ye. Ka da a kan ale muso tun mana jigin tuma o tuma, ale tun te fosi jore denkundi musakako k'o. Den saba fölo bee kundi kera geleyaba kono, ka da u musaka caya kan. Sogomada tun ye wariba boli ye, wulada fana tun ye wariba boli ye.

Ce in ko, ale t'a dón kun jumen na depitew te sariya ta, ka waritijeko jugu dabila denkundi la ani kono na? Muso sow yere k'u ye hakili juman soro, ka warikogeleya dón. O de koson u k'u ye yelema juman don u taabolo la. Sabula tilew te kelen ye. Dugubaw sigili geleyara k'a sababu ke warikogeleya ye ; kerenkerennenya la Bamako. O nana ni dubaw dögöyali ye. Ce kelen den bee be ka duba bila ka k'u da-

mana du ye duba soro dögoya koson, k'u jilaja n'u muso n'u denw dörön ye. An be don min na muso b'a la k'u yerejin denkundikö la. Sigidaw ka jan njogon na. A dun te ku muso si la i bololankolon ka se a kene kan. A wajibiyalen don i ni denkundisen do ka na, jama ne be wasa min na. Denkundi yentama ye

Madamu Sisoko ye muso ye, min ye filaninw soro kosa in na. A ko muso caman b'a kan fa juru la denkundisen soro li, u bololankolon kana se denkundikene kan. A terimusow ye fen dama min di a ma ladiyalifen ye denkundi kunkor; a be laban k'a bee juru sara kelen-kelen; ka da a kan denkundi ye ntama ye. Mögöw mana fen min di i ma i ta la, i b'o njogonna segin u ma u fana ta mana se. Madamu Sisoko ko ale tun y'a fo a buramuso ye ko musodenkundi man di a ye, k'u k'a dan cedenkundi dörön ma. A kera ten. A jiginnen, musodenkundi ma ke. A danna cedenkundi ma sogoma fe. Nka a ko ale terimusow minnu ma kunnafoni soro joona, ko musodenkundi t'a la, olu ye sama ke ale ma wula fe. N'o te mankan ma ke wula fe ka mögö si töro sigida la. O dun ye here ye denkuranintigi caman ma ; sabula an be waati min na, i be min don denkundi dafé musojama nesiranje kama, geleya koson i t'o la fen soro nabaaw la. Kabini denkundi duguje, jurumantigiv be su ni tile bee k'i dala ; kasoro i ma fosi soro denkundi la, min b'i ka juru talenw sara teliya la.

Madamu Konare k'ale den fila laban garijegé diyara kosebe ka teme fölo ni filanan kan. A k'ale te juru ta tuguni denkundikö la. O kun ye a n'a ce ka se ka bilankorö ke denbaya mako werew la. Madamu Konare ko ni denkundi kundara muso min kan, i tun be wajibiya ka kɔnbilen fila tige : sogomata ani wulafeta. I tun be wajibiya ka warimugu jini ka bila i bolokorö jelison kama. I be minfenkesu caman san, ka sigilan caman fana luwanse. N'i ma



Photo AMAP |

musodenkundi ke, jurusara tena ye i ma denkundi temenen. Moriw dun b'a fo ko n'i sara ka juru misikara zarati to i kanna, a tigi ma yaafa, k'i te salatu tige. O de koson muso b'a la k'u to to k'o. U be siran juru ne sis-an. I be se ka to musokelé la, jiginni kɔlɔlɔ be se k'i ke dabaato ye k'i dese ka baara ke ka juru talenw sara. Den soro li ye garijegé dö ye. N'a fora denkundijuru k'i bali salatutige la, o te here ye penamaya la. Muso be laben minnu ke juru la denkundi kama, ani fen minnu be di u ma denkundikene kan, o bee de be jate denkundijuru ye denbatigi kanna.

Musodenkundi kene kan, sebennikelä be sigi fen soro lentaw sebenni kama. Muso bee togo ni jamu an'u a ka fen suguya dilen be seben. Ni denkundi banna, o juruseben be kuru ka don denbatigi bolo. O sarali ye wajibi ye a mögö kelenna ye don nataw la.

Madamu Sisoko ni Madamu Konare be to ka don duw kono u ka sigida la, ka kunnafoni diw ni lafaamuyaliw ke musodenkundi dabilalikö la. Madamu Jara ye geleya min ye a ne na a ka den fölo kundili la, o k'ale tena a njogonna dögo jugu jo tuguni. Ka da a kan a ma musodenkundi njogonna wari buruja ye muso fe. A be dutigice ni gadon-muso caman coron. O donw yere la jelimuso juguw kewale juguw be sinamusow bila njogon na.

Nin kera muso masumanen do ye, min ye konoje naani ke. O k'ale den naaninan in kundili la, ale sinamuso nana ni jelimuso do ye. K'o y'ale tigelima kosebe, fo musojama min tun be kene

kan, olu y'a dón k'a kan be ale ma. O de koson ale temusodenkundi fe bilen. U muso dama kewale jugu ye ko caman negebo u yere la. Muso ka njogonlagosi ye taa ka segin ye. I mana dö fö dö ma bi o ka kene kan, o b'i kono kene were kan k'a ta juru sara i la. Nafa fosi t'o la hadamade-nya tijeni k'o muso ni njogon ce.

Madamu Kulubali Hawa ko musodenkundi ma se ka diya ale yetile kelen. Ka da a kan k'a tijeni ka bon n'a nafa ye. Tuma min na ale y'a den fölo soro, a y'a can k'a jo, ko musodenkundi te k'a la. A k'a teriw n'a balimamuso y'ale deli ka dese, a ma son ka don a dafé abada. A k'u b'i negen ka don a dafé, nka k'i te mögö si soro u la, min b'i deme a musakako la.

Madamu Kulubali Hawa ka jatemine na, musodenkundi hake min sigira ka wuli here la o ma caya. O de y'ale si-ran a je ka taa a fe. Balimamuso döw be denkundikenew jatemine, ka dimi don njogon na. A döw la fo u tege be se njogon ma. O de la ale y'i kali kabini o don, ko n'a le furula ka den soro, mu-sodenkundi te k'o la. A ko Ala y'ale kunnadiya, a furula ka denmusonin soro. A k'a ce ma ko musodenkundi kana k'a la. A ce sonna o ma.

Muso dö fana be yen, min ce be negekurunta ke. O k'olu ye feere do soro musojama dalajeli la u bara, ko denkundi. A k'ale jigin o jigin, a ce n'a teriw bina negekurunta la u ka du kono. O de la olu te döwre ke cedenkundi ko.

Aminata Dindi Sisoko
Dokala Yusufu Jara

Afiriki basiketiko tɔnba «FIBA» ɲaniya ye ka basiketiw segin u kecogo kɔrɔ la san 2021



Basiketiw daminena kokura dijne kɔnɔ ; nka u ma damine waati kelen na fan bee fe, k'a sababu ke koronawirisiko cogoya ye yorɔw la. Hamani Nangi ye Maliden ye ; dijne basiketiko tɔnba (FIBA) nemogɔba fana don. Faransi Arajo « RFI » ye jininkali dɔw k'a la basiketiko kan. O jininkaliw tun ye, yala basiketiw daminena kokura ka ben ni zuluyekalo damine ye wa ? Ce kunda ani muso kunda, kupu si tun ma boloda san 2020-2021 kɔnɔ, yala o sera ka FIBA tanga koronawirisiko kɔlɔlɔw ma wa ; sabula jatemine na, jamana dɔw y'u ka basiketi bolodalenw bɔ u dɔgɔ kɔrɔ, dɔw yere y'u taw bɔ a ma ? Cew ka basiketi kupudimoni kera Wuhan, Siniwajamana na. Koronawirisiko min file dijne kɔnɔ bi, o damiena o dugu in de la. Nka a y'a sɔrɔ a kuncera ni dɔgɔku damado ye. Basiketi bolodalen tɔw bɔli u dɔgɔ kɔrɔ o kɔfɛ, yala o y'a kun ne wa ; sabula koronawirisiko ye basiketikela caman mine ? Yala koronawirisiko kɔlɔlɔ yelenna FIBA ka wariko la wa ? Ameriki kejekayanfan fe, olu y'u ka « NBA » ke ka ban yorɔ kelen na ; Siniwajamana fana y'a ka « CBA » ke o cogo la ; nka u ma sɔn mɔgo were ka taa a kasiketiw laje kenew kan. FIBA ye mun faamuya o waleya in na; o benna a ma wa ? N'a ma ne ko kupu caman ye san 2021 ye, k'u benn Ameriken ni Siniwaw ladege olu taw kecogo in na wa ; n'o ye ka basiketiw ke, mɔgo were te taa u laje kenew kan ? A fɔra ko ka basiketi Afrika ligi ke san 2020 kɔnɔ ; n'o ye Afiriki jamanaw ka basiketitɔnwa ka ligi kupu ye. O ye ko kura ye. A yere koje bee ma latige fɔlo. Yala k'u jorelen te n'o tenu bɔ a ma pewu wa ?

An benn Hamani Nangi ka jaabiw da aw tulo kan. A ye foli ni tanui ke fɔlo ka nesin jamanaw ka basiketiko tɔnbaw ma. Ko kabinu u ye koronawirisiko kunnafoni sɔrɔ, u sinna ka basiketi bolodalen bee lajɔ marisikalo tile 12. Ka hakilijakabo ke o kɔnɔna na, ka baaraw boloda kura ye ka bila. Baaraw lajokun tun ye jama ka kenejako ye. Hali jamanaw basiketiko tɔnbaw kelen

k'a ninin baaraw ka wuli, u sɔnna o ma ka kepe ni jamana kelen-kelen ka banako cogoya ye, ani ka kepe ni gɔferenamanw ka koronawirisiko kumbennifɛrew ye. O dabɔra dɔw ka se k'u ka san baara bolodalenw foori. O de koson an be don min na, Hamani Nangi ko tɔnba caman tilala a ta la ; i n'a fɔ Esipani, Alimani, Isirayeli. Basiketi dɔw kera 3x3 ye Esitonni, Beliziki, Lituyani, Faransi, ani jamana werewla. Nka o n'a ta bee, baaraw ma se ka damine waati kelen na fan bee fe, ka da u koronawirisiko cogoyaw kan.

Olenpiki basiketi kupu (TQO) min

ka kan ka ke Tokiyo, Zapɔn jamanana na san 2020 in kɔnɔ, FIBA tun y'o nebilibasiketiw boloda kaban ; nka o bɔra a dɔgɔ kɔrɔ k'a bila san 2021 na k'a sababu ke koronawirisiko ye. Aforobasiketi ye Afiriki gun basiketiba ye. Eropu gun ta be wele Erobasike. Azi gun ta be wele Aziya Kapu, Ameriki gun ta be wele Ameri Kapu. Koronawirisiko kama, nin kupu bee bilala san 2021 na. Nka a k'u labanna ka Erobasiketi ni Ameri Kapu bila ka taa fo san 2022 la; a k'o be sɔn ka ke sababu ye ka fipnebɔdanin di FIBA ma a ka labenw kɔnɔ. Hamani Nangi k'a kera kunna-

diya ye, koronawirisiko daminena Siniwajamana na basiketi kupudimoni kucelen kɔfɛ. A k'o de y'a to n'u sera ka kupudimoni in ke. U ye jamana 32 basiketikelaw tila dugu 8 ce. Fen min ye san 2023 basiketi kupudimoni ye, nin bena ke a sijne fɔlo ye jamana 3 ka je k'o laben nɔgɔn fe: Filipini, Zapɔn ani Endonezei.

FIBA ka wariko be sira juman kan, basigi b'a kɔnɔ. A k'u seginna san 2020 baarakenafole kan k'o maben kura ye, k'a musaka bee fesefese kosebe. Wa k'u ma da a la, ko koronawirisiko bena se ka geleya were don u ka ko bolodalenw na. Ka da a kan ligi bee be baara ke a yere kolo la, jekulu bee fana be se k'a ka benkanwa ta a fere ma. O la ni sen o fen y'a ninin a ka baara ka damine, u be sɔn o ma n'a y'a sɔrɔ olu ka keneya sabatiwalew kolo ka girin.

Hamani Nangi k'u hami ye basiketiw ka se ka damine, k'u ke u kecogo kɔrɔ la nin bee kɔfɛ, jama ka taa u laje. Afiriki jamanaw ka basiketitɔnwa ka ligi puku be wele angilekan dane surun na « BAL ». O nemogow be hakilijakabo suguya bee la, min b'a to o ko kura in kana taa k'u dan, a sijne fɔlo ka se ka ke san 2020 in kɔnɔ. Lajinin ye a ka se ka sigi sen kelen kɔnɔ yanni kalo damado ce.

Dəkala Yusufu Jara

Musomanninw ka KANI bɔra a ma jinan

Afiriki sennantolantan tɔnba nemogow ye laje ke zuluyekalo damine na, ka ben ko caman kan ntolantanko la. O do ye musomanninw ka KANIKO ye. O yere tun ka kan ka laben jamana kelen min fe, o ma dantige fɔlo. KAFU sinna k'o bɔ a ma sijne kelen. A tenu ke san 2020 in kɔnɔ tuguni. Musokunda, KAFU ka sennantolantan kolatigejekulu kuntigi ye Metiri Famakan Danbele ye. Ale de ye kunnafoni in lase, ko mu-

somanninw ka KANI bɔra a ma jinan, k'a sababu ke koronawirisiko ye.

Nka musomannin minnu dalen b'olu kañ, n'a be fɔ u ma tubabukan na « Seniyɔri », Metiri Famakan Danbele y'a jira k'olu be se ka ye u ka KANI an'u ka kupudimoni kene kan. A k'u be dabalitigew la, min b'a to musomanninw be se ka laben, ka ben n'olu ye. A k'a be se ka ke, Mali benn se sɔrɔ ka ye o kene fila kofɔlenw kan. O de la a k'u hami ye Mali ka jananin

ntolantanw wulili ye joona. KAFU ka jannin do fana ye, Afiriki musomannin sennantolatannaw ka jananin ntolantan kupu do sigili ye senkan, k'a damine san 2021 na.

Metiri Famakan Danbele ka fɔ la, o jananin ligi in benn ke sababu juman ye Mali musomanninw ka tonw ma, u ka se k'u fasa fili kosebe ka se ka o kuluntolantan temen. O juman ye ka labenw sabati kabini sisan.

Arabu Inni faaba la. Hakilijajigina, KAFU tɔgɔla kupu demifinali fɔlo be Lajine Kɔrɔnya ni Eziputi Piramidi « FC » ce, a filanan be Marɔku ntolatantɔn fila ce ; n'o ye Hasaniya ani Agadiri-RS Berikani ye.

Eropu ntolatantɔn jinan ka ligi bolodacogo

Karidefinali ntolatanw be ke Lisiboni, Pɔritigali faaba la, k'a damine utikalo tile 12 la ka se a tile 15 ma. A fɔlo be Ereyali Madiridi ni Mansesiteri Siti ka ntolatan sebaa ani Liyɔn ni Zuwentusu ka ntolan sebaa ce. A filanan be Barisla ni Nanpulu ka ntolatan sebaa ani Selisi ni Bayerini Minisi ka ntolatan sebaa ce. Demifinali fana be ke Lisiboni, k'a damine utikalo tile 18 ka se a tile 19 ma. O kɔfɛ finali be tan utikalo tile 23 san 2020.

Afiriki ntolatantɔn jinan ka ligi

Koronawirisiko kumbenni hukumu kɔnɔ, Afiriki sennantolantan tɔnba « KAFU » y'a jinanaw ka ntolantan bee ke yorɔ kelen na. O siratige la, a jirala ko Afiriki ntolatantɔn jinanaw ka ligi ntolantanw be ke Kameruni setanburukalo nata in a, ka KAFU tɔgɔla kupu ntolatan ke Marɔku. Nka Kameruni ma sɔn k'a kun don a ta kɔrɔ. A y'a bɔkan ke k'o waati be ben setanburukalo min ma, k'o ye sanji sebekɔrɔ cayatumwa ye Kameruni jamana kan. Kasɔrɔ kunnafoni dɔw y'a jira k'o te ; ko koronawirisiko nesiran de don. Ka da a kan Kameruni ye jamana ye, koronawirisiko fanga ka bon min kɔnɔ ka temen Afiriki cemancejamana tɔ bee kan.

Kameruni banko min ye nin ye ka Afiriki ntolatantɔn jinanaw ka ligi bisimila, o be ka KAFU kama na gan kosebe ; sabula an ni setanburukalo ce te temen kalo kelen kan bilen. KAFU benn wa-jibiya ka wele da, jamana dɔ k'a kanbɔ kupu in bisimilaliko la. Ntolantan ninnu tɔ ye demifinaliwi ni finali yere ye. Demifinali fɔlo be Widadi ni Ali Ahilali ce ; filanan be Araja ni Zamaleki ce.

Kunnafoni y'a jira, ko Eziputi denmisensa ni farikolonenaje minisiriso y'a jinan u ka sennantolantan tɔnba fe, a ka Afiriki ntolatantɔn jinanaw ka ligi demifinaliwi n'a finali bisimilali jinin. Eziputi sennantolantan tɔnba y'o naamü lamine ; nka Afiriki kejekayanfan kunnafonisibɛn w be k'a gansi, ko ntolantan ninnu be sɔn ka ke Abu Dabi, Emira